



بِسْمِ اللَّهِ الرَّحْمَنِ الرَّحِيمِ

ЖАНОЗА ВА ТАЪЗИЯ ОДОБЛАРИ

Мұхтарам жамоат! Биз бутун башарият ҳаётида куни келиб йўлиқиши муқаррар бўлган мавзу – жаноза ва таъзия ҳамда унинг баъзи ажном ва одоблари ҳақида сўз юритмоқчимиз. Шариатимизда барча масалаларнинг тартиби ва ўзига хос одоблари бўлгани каби, жаноза ва азадорликнинг ҳам ўзига яраша ҳукмлари ва одоблари бор.

Аллоҳ таоло бу ҳаёти дунёни ва ўлимни инсонларни синаш учун яратгандир. Зоро, У Зот Қуръони каримда шундай марҳамат қилади:

﴿الَّذِي خَلَقَ الْمَوْتَ وَالْحَيَاةَ لِيَبْلُوْكُمْ أَيُّكُمْ أَحْسَنُ عَمَلاً وَهُوَ الْعَزِيزُ الْغَفُورُ﴾ (Суре макъул/2)

яъни: “(У) сизларнинг қайси бирингиз чиройлироқ (савоблироқ) амал қилувчи эканингизни синаш учун ўлим ва ҳаётни яратган зотдир. У Азиз (кудратли) ва Ғафур (кечиримли)дир” (Мулк сураси, 2-оят).

Фонийлик инсон ва жинларнинг, ҳатто ҳайвонларнинг тақдирига битилган бўлиб, бирор-бир мавжудот абадий қолмас. Аллоҳ таолонинг Ўзигина азалий ва абадий қолувчи Зотдир.

﴿كُلُّ مَنْ عَلَيْهَا فَإِنِّي وَيْبَقِيُّ وَجْهُ رَبِّكَ ذُو الْجَلَالِ وَالْإِكْرَامِ﴾ (Суре аль-Рахман 26-27).

яъни: “(Ер) юзидаги барча мавжудот фонийдир. Улуғлик ва Икром соҳиби бўлмиш Раббингизнинг «юзи» боқий қолур” (Ар-Раҳмон сураси, 26-27 оятлар).

Маълумки, ҳар бир мусулмон банданинг иккинчи мусулмон биродарига нисбатан ҳақ-хуқуқлари бор. Чунончи, Расулуллоҳ саллааллоҳу алайҳи васаллам бир ҳадиси шарифларида марҳамат қиладилар:

“حَقُّ الْمُسْلِمِ عَلَى الْمُسْلِمِ سِتٌ: إِذَا لَقِيَتُهُ فَسَلَّمَ عَلَيْهِ، وَإِذَا دَعَاكَ فَأَجِبْهُ، وَإِذَا إِسْتَصَحَّكَ فَانْصَحِّهُ، وَإِذَا

عَطَسَ فَحَمَدَ اللَّهَ فَشَمَّتْهُ وَإِذَا مَرَضَ فَعُدْهُ، وَإِذَا مَاتَ فَاتَّبَعَهُ” (Роҳа аль-імам мусулмун үн Аби Ҳурайра Ризи الله عنه).

яъни: “Мусулмоннинг мусулмон зимиасида олтита ҳаққи бор: Қачон унга йўлиқсанг, салом бер; қачон сени (мехмонга) чақирса, унга ижобат қил; қачон сендан маслаҳат сўраса, унга маслаҳат бер; қачон аксириб, Аллоҳга ҳамд айтса, унга жавоб қайтар; қачон бетоб бўлиб қолса, уни зиёрат қил ва қачон вафот этса, унинг (жанозасига) эргаши”, – дедилар (Имом Муслим ривояти).

Демак, мусулмоннинг танишларидан бирортаси вафот этса, унинг жанозасига ҳозир бўлиш мазкур ҳуқуқлардан биридир. Сўнгра маййитнинг қариндошларига таъзия билдириб, Аллоҳнинг ҳукмига рози бўлиш, мусибатга сабр қилишлари ҳақида насиҳатлар айтиш ва марҳумнинг ҳаққига раҳмат ва мағфират сўраб, дуои хайр қилиш таъзиянинг одобларидандир.

Мұхтарам жамоат! Жаноза намози фарзи кифоя бўлиш билан бирга, мусулмоннинг мусулмондаги ҳаққи ҳисобланади. Жанозанинг аҳамияти жуда ҳам катта бўлиб, инсон зотига бўлган эҳтиромнинг юксак намуналаридан биридир. Шу билан бирга, у шунчаки анъана, оддий одат эмас, балки шариатда белгиланган маҳсус ибодат – намоздир. Униг фазилати ҳақида Сарвари коинот шундай деганлар:

"مَنْ اتَّبَعَ جَنَازَةً مُسْلِمٍ إِيمَانًا وَاحْتِسَابًا وَكَانَ مَعَهُ حَتَّىٰ يُصَلِّي عَلَيْهَا وَيَفْرُغُ مِنْ دُفْنِهَا فَإِنَّهُ يَرْجُعُ مِنَ الْأَجْرِ بِقِيرَاطٍ
كُلُّ قِيرَاطٍ مِثْلُ أَحُدٍ وَمَنْ صَلَّى عَلَيْهَا ثُمَّ رَجَعَ قَبْلَ أَنْ تُدْفَنَ فَإِنَّهُ يَرْجُعُ بِقِيرَاطٍ"
(رَوَاهُ الْإِمَامُ البُخَارِيُّ عَنْ أَبِي هُرَيْرَةَ)

яъни: "Ким имон ва савоб умиди ила бир мусулмоннинг жанозасига қатнашига, жанозаси ўқилиб дафнидан фориг бўлингунча турса, икки қийрот ажр билан қайтади. Ҳар бир қийрот Ухуд тогичадир. Ким жанозани ўқиса ва дафн қилинмай туриб қайтса, бир қийрот билан қайтади" (Имом Бухорий ривояти).

Бу ҳаёти дунёда бирор кишининг бошига бирор мусибат тушиши ёки унинг ўз аҳлидан, яқинлари ёхуд ёру-биродаридан айрилиб қолиши Аллоҳ таолонинг синовидир. Бу кўргиликларига сабр қилса, билиб-билмай қилган гуноҳларига каффорот бўлади. Пайғамбар алайҳиссалом шундай деганлар:

"مَا يُصِيبُ الْمُسْلِمَ مِنْ نَصَبٍ ، وَلَاَ وَصَبٍ ، وَلَاَ حَزَنٍ ، وَلَاَ هَمٌ ، حَتَّىٰ الشَّوَّكَهُ يُشَاكُهُ إِلَّا
كَفَرَ اللَّهُ بِهَا مِنْ خَطَايَاهُ" (رَوَاهُ الْإِمَامُ مُسْلِمٌ وَالْإِمَامُ أَحْمَدُ عَنْ أَبِي هُرَيْرَةَ رضي الله عنه).

яъни: "Мусулмонга етадиган кулфат, машаққат, ташвиши, маҳзунлик, азият, ғам ҳатто унга кирадиган тикан сабабли Аллоҳ унинг хатоларини кечиради" (Имом Муслим ривояти).

Мусибатзада кишилар яқинлари ва ўзларига юпанч бўладиган кишиларнинг тасаллисига муҳтож бўладилар. Шунинг учун шариатимизга кўра таъзия билдирган кишига улкан ажрлар ваъда қилинган. Жумладан, Пайғамбаримиз алайҳиссалом шундай марҳамат қилганлар:

"مَا مِنْ مُؤْمِنٍ يُعَزِّي أَخَاهُ بِمُصِيبَةٍ إِلَّا كَسَاهُ اللَّهُ مِنْ حُلُلِ الْكَرَامَةِ يَوْمَ الْقِيَامَةِ"
(رَوَاهُ الْإِمَامُ أَبْنُ مَاجِهٍ عَنْ عَمْرِي بْنِ حَزْمٍ رضي الله عنه)

яъни: "Қайси бир мўмин биродарининг мусибатига таъзия билдиrsa, Аллоҳ унга Қиёмат куни улуғлик либосини кийдиради" (Имом ибн Можа ривояти). Бошқа бир ривоятда:

"مَنْ عَزَّى مُصَابًا فَلَهُ مِثْلُ أَجْرِهِ"
(رَوَاهُ الْإِمَامُ أَبْنُ مَاجِهٍ وَالْإِمَامُ التَّرْمذِيُّ عَنْ أَلْأَسْوَدِ بْنِ عَبْدِ اللَّهِ).

яъни: "Ким бир мусибатзадага таъзия билдиrsa мусибатзадага берилганча ажрга эришиади" (Имом ибн Можа ва Имом Термизий ривояти).

Мұхтарам жамоат! Дафн кунидан бошлаб узоғи билан уч кунга қадар аза (мотам) тутишга шариатимиз рухсат беради. У кунлари жанозага кела олмаганлар мусибат етган хонадонга ёки таъзия маросимлари учун ажратилган жойларга келиб, майитнинг яқин қариндошларига таъзия билдириб кетишлари мумкин.

Расули акрам саллаллоҳи алайҳи васаллам ушбу ҳадисни зикр этганлар:

"أَسْرِعُوا بِالْجِنَازَةِ ، فَإِنْ تَلُكُ صَالِحَةً فَخَيْرٌ تُقَدِّمُونَهَا ، وَإِنْ يَكُ سَوَى ذَلِكَ فَشَرٌّ تَضَعُونَهُ عَنْ رِقَابِكُمْ"
(رواہ الإمام البخاری والإمام مسلم عن أبي هريرة رضي الله عنه)

яъни: "Майитни сўнгги йўлга тезроқ олиб боринглар, чунки агар у ахли солихлардан бўлса, уни кутиласетган жойга тезроқ олиб бормоқ даркор. Агар бундай бўлмаса, елкангизни нохуши юқдан тезроқ холи қилган бўласиз" (Имом Бухорий ва Имом Муслим ривояти).

Тобуткашлар тобутни навбат билан елкама-елка олиб борадилар. Тобутни кўтармоқчи бўлганлар имкон қадар аввал майитнинг ўнг елкаси томондан, сўнг ўнг оёқ томонидан, кейин эса чап елкаси ва чап оёқ томонидан кўтаришга ҳаракат қиласидилар.

Кези келганда айтиб ўтиш керакки, ҳар қандай ҳолатда ҳам майитнинг ортидан дод-фарёд қилиш шариатимиз нуқтаи назаридан жоиз эмас. Пайғамбаримиз саллаллоҳу алайҳи васаллам шундай таълим берадилар:

"إِنَّ الْمَيْتَ لَيُعَذَّبُ بِيُكَاءٍ أَهْلِهِ عَلَيْهِ" (رواہ الإمام البخاری والإمام مسلم عن ابن أبي ملیکة)

яъни: "Мархум оиласигиларининг ҳаддан ташқари дод-фарёди сабабли азобланади" (Имом Бухорий ва Имом Муслим ривояти)

Демак, ортиқча дод-фарёдимиз билан мархумнинг қисматини оғирлаштираслигимиз даркор.

Динимизнинг таъзия одоби борасидаги кўрсатмаларидан яна бири юрга эҳсон дастурхони ёзиб, савобини вафот этган яқинларига бағишлиш ниятида қилинган маросимларга оидdir. Бундай маросимларни албатта шариат ахкомларига, ахли сунна вал жамоат эътиқодига, мазҳабимизда расм бўлган қоидаларга мувофиқ тарзда ўтказиш зарур. Таъзия маросимларини бидъатлардан холи равишда, ахли илм ҳамда маҳалла улуғлари билан бамаслаҳат, имкон қадар енгил, камтарона, камчиқим ҳолда ўтказмоғимиз маъқул.

Ислом шариати мусулмонларга ҳаргиз қийинчиликни рано кўрмайди. Махалла куй олдида хижолат бўламан деб, қарз олиб ёки борини сарфлаб худойи қилишлик, шариатимизда номақбул иш саналади. Чунки Куръони каримда:

﴿...وَمَا جَعَلَ عَلَيْكُمْ فِي الدِّينِ مِنْ حَرَجٍ ...﴾ (سورة الحج /78)

яъни: "Аллоҳ таоло сизлар учун бу динда ҳаргиз қийинчилик яратмади" (Хаж сураси, 78-оят), деб айтилган.

Бошқа бир оятида:

﴿...لَا يُكَلِّفُ اللَّهُ نَفْسًا إِلَّا وُسْعَهَا ...﴾ (سورة البقرة /286)

яъни: "Аллоҳ таоло ҳеч бир бандага қўлидан келмайдиган ишларни буюрмайди" (Бақара сураси, 286-оят), дейилган. Аллоҳ таолонинг мазкур оятлари мусулмонлар диний маросимларини осонлик билан ўтказишлари ва bemalol ибодат қилишлари учун нозил бўлган.

Мусибатхоналарда пайшанбалик, якшанбалик номи билан қилинаётган, дафндан кейин маълум қун ёки ойни санаб, айниқса, икки ҳайит кунларида ўтказилаётган худойи маросимлари диний китобларимизнинг бирортасида буюрилмаган. Мусибат етган хонадонда муайян кунга боғламасдан, мархумнинг

мероси тақсимлангандан кейин оиланинг иқтисодига зарар етказмайдиган ҳолатда худойи қилиб ўтказилса мақсадга мувофиқ бўлади.

Шундай экан, ўтганларимизни йўқлашда фақат таом пишириб улашиш билан чегараланиб қолмасдан кам таъминланган оилалар, бева-бечоралар, муҳтоҷ кишиларни тураг жойини яхшилаш, фарзандларига кийим-кечак олиб бериш ёки кўпчилик манфаат оладиган ишларни амалга оширишга, доимий равишда уни савоби ўтганларимизга бориб туришини таъминлайдиган ҳолатларга ҳам ўтишимиз керак.

Аллоҳ таоло юртимизни тинч, халқимиз ҳаётини бундан ҳам фаровон қилиб, шариатимиз кўрсатмасига амал қилиб, яшамогимизни мусассар қилсин!

Муҳтарам жамоат! Мавъизамиз давомида ҳозирда ёшларимиз томонидан намозда эътиборсизлик қилинаётган баъзи масалаларга тўхталиб ўтамиз. Маълумки, Намоз дуруст бўлиши учун аврат аъзоларининг барчаси ёпиқ бўлиши шарт. Чунки, аврат ёпилиши намознинг фарзларидан бири ҳисобланади. Зоро, Аллоҳ таоло шундай марҳамат қиласин:

يَا بَنِي آدَمْ حُذُّوْ رِبَّكُمْ عِنْدَ كُلِّ مَسْجِدٍ

яъни: “Эй, Одам авлоди! Ҳар бир масжид (намоз) олдидан зийнатларингиз (пок кийимларингиз)ни (кийиб) олингиз!” (Аъроф сураси, 31-оят).

Маълумки, намоздаги бирор бир фарз амал бажарилмаса намоз дуруст бўлмайди. Эркак киши намозда киндигининг остидан бошлаб тиззасининг остигача ёпиши фарздир (Манба: “Шарҳун ниқоя”).

Уламоларимиз аврат аъзолардан бирининг тўртдан бир қисми бир муддат очилиб қолса намоз бузилади, деганлар. Бунда аёл кишининг соки (яъни болдири), эркак кишининг сони алоҳида аъзо ҳисобланади. Бир муддат миқдори эса уч марта тасбех айтиш миқдорича экани билан изоҳланган (манба: “Хошиятул-Тахтовий”).

Ҳозирги пайтда эса баъзи ёшлар калта ва тор кўйлак билан намоз ўқиб, руку ва саждага боргандарида мана шу аъзоларининг тўртдан бири тугул ярмидан кўпроғи кўриниб қолиб, натижада шунча ҳаракат қилиб ўқиётган намозлари ўзлари билмаган ҳолда бузилишига олиб келмоқда. Бу ҳам етмагандай орқа сафдаги намозхонларнинг кўзлари аврат аъзоларга тушишига сабабчи бўлмоқдалар.

Яна шуни ҳам таъкидлаш керакки, ҳозирги кунда баъзилар калта шим (шортиқ)да намоз ўқимоқдалар. Ундей калта кийимда белни ёпганда, тизза очилиб қолиши, тиззани ёпганда эса бел очилиб қолиши табиий. Ваҳоланки, тиззанинг ўзи ҳам аврат аъзо ҳисобланиб, уни тўртдан бирини очилиб қолиши намозни бузади.

Шунинг учун ҳар бир намозхон ўзига қулай бўлган ва аврат аъзоларни ёпадиган кенг ҳамда узун кийимда намоз ўқиши динимиз талабидир.

Аллоҳ таоло ибодатларимизни мукаммал адо этиб, Ўзининг розилигини топишимизга муваффақ айласин! Омин!

Муҳтарам имом-домла! Келгуси жума маъruzаси “ҚАЛБ КАСАЛЛИКЛАРИ МУОЛАЖАСИ” мавзусида бўлади. Жамоатга эълон қилишингизни сўраймиз.